

## ტექნიკური დავალება

1. მიმწოდებელმა უნდა უზრუნველყოს საქპატენტის ობიექტებზე არსებული მატერიალურ-ტექნიკური ბაზის გეგმიური დათვალიერება-შემოწმება-გატესტვა და მათი მდგომარეობის შესახებ შესაბამისი აქტის შედგენა თვეში არანაკლებ ერთხელ (შემსყიდველთან შეთანხმებით);
2. ყოველ კონკრეტულ შემთხვევაში მიმწოდებელი ვალდებულია შეადგინოს დეფექტური აქტი, რომელშიც მითითებული უნდა იყოს გასაწვეი მომსახურების დეტალური აღწერა, მისი ღირებულება, აგრეთვე მომსახურების დაწყებისა და დასრულების ვადები;
3. მიმწოდებელი ვალდებულია დაიცვას შესყიდვის ობიექტთან დაკავშირებული მოწყობილობების მწარმოებლების მიერ განსაზღვრული ექსპლუატაციის წესებით გათვალისწინებული ყველა მოთხოვნა;
4. სისტემების შემადგენელი მოწყობილობების დაზიანების შემთხვევაში, შემსყიდველის მხრიდან წერილობითი ან სხვა სახის (ტელეფონი, ელ. ფოსტა) შეტყობინების საფუძველზე უზრუნველყოს მომსახურე პერსონალის მობილიზება:
  - დაუყოვნებლივ, არაუგვიანეს 3 (სამი) საათისა, თუ მომსახურებას დაქვემდებარებული ობიექტის სრულფასოვან ფუნქციონირებას და/ან მომსახურე პერსონალს საფრთხე ემუქრება;
  - 48 სთ-ის განმავლობაში, სხვა დანარჩენ შემთხვევაში.
5. მომსახურება უნდა განხორციელდეს შესაბამისი კვალიფიკაციის მქონე სპეციალისტების მიერ (შემსყიდველთან შეთანხმებით). დაცული უნდა იყოს უსაფრთხოების ნორმები. მიმწოდებელი პასუხისმგებელია მიყენებული ზიანის საკუთარი ხარჯებით ანაზღაურებაზე, ან იმ უბედურ შემთხვევებზე, რომლებიც შეიძლება გამოწვეული იყოს მომსახურების პროცესში ტექნიკური გაუმართაობით;
6. შეცვლილი ნაწილ(ებ)ი მიმწოდებელმა უნდა დატოვოს კონკრეტულ ობიექტზე შემსყიდველის შესაბამის უფლებამოსილ პირთან შეთანხმებით;
7. თუ რომელიმე დეტალის/ნაწილის მოძიება ვერ ხერხდება საქართველოს ბაზარზე, მისი ჩამოტანა უნდა მოხდეს გონივრულ ვადებში, მაგრამ არაუგვიანეს 20 (ოცი) სამუშაო დღისა;
8. შემსყიდველი უფლებამოსილია პერიოდულად განახორციელოს ინსპექტირება. ინსპექტირების შედეგად თუ დადგინდა, რომ კონკრეტული მოწყობილობის დაზიანება გამოწვეული იქნა მიმწოდებლის ბრალეულობით (ექსპლუატაციის პირობების დარღვევა, მომსახურების არადროულად ან არაჯეროვნად განხორციელება და ა.შ.), მიმწოდებელი ვალდებულია საკუთარი ხარჯებით უზრუნველყოს ხარვეზის (მათ შორის ხარვეზიანი ნაწილის შეკეთება ან შეცვლა ახლით) აღმოფხვრა, შემსყიდველის წერილობითი დავალების მიღებიდან არაუმეტეს 48 საათის განმავლობაში (სირთულის მიხედვით). ამასთან, მიმწოდებლის სახელზე გაგზავნილი იქნება შესაბამისი გამაფრთხილებელი წერილი. შემსყიდველი უფლებამოსილია ვადამდე შეწყვიტოს ხელშეკრულების მოქმედება, თუ მიმწოდებლის სახელზე გაგზავნილ იქნა ორი ან მეტი ასეთი გამაფრთხილებელი წერილი;
9. პრეისკურანტით განსაზღვრული შესყიდვის ობიექტთან დაკავშირებული მოწყობილობების შეკეთებისთვის საჭირო ნაწილისა თუ მომსახურების რომელიმე ერთეულის არარსებობისას, აღნიშნული ერთეულის ფასი, მისი შესყიდვის აუცილებლობისას, დადგინდება შემსყიდველი ორგანიზაციისა და მიმწოდებლის შეთანხმებით, საბაზრო ფასის გათვალისწინებით. ასეთ შემთხვევაში პრეისკურანტში ნაწილისა და მომსახურების რომელიმე ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს პრეისკურანტის საბოლოო ჯამური ღირებულების 10%-ს;
10. პრეისკურანტით განსაზღვრული ნებისმიერი ერთეულის ღირებულება მოიცავს ყველა იმ თანმდევ ხარჯს და საქართველოს კანონმდებლობით გათვალისწინებულ გადასახადს, რომელიც შესაძლოა დაკავშირებული იყოს კონკრეტული მომსახურების განხორციელებასთან;
11. მიმწოდებელი უნდა უზრუნველყოს შრომის უსაფრთხოების სფეროში საქართველოს კანონმდებლობით დადგენილი მოთხოვნებისა და ყველა საჭირო და პროპორციული ზომის დაცვა, რათა უზრუნველყოს მისი დასაქმებულების შრომის უსაფრთხოება შემსყიდველის სამუშაო სივრცეში.